


Балаларға арналған Киелі кітап ұсынады



Дәуіт – патша (1-Бөлім)



Мәтінін жазған: Edward Hughes

Суретін салған: Lazarus
Alastair Paterson

Бейімдеген: Ruth Klassen

Қазақ тіліне аударған: Raikhan Esimkhankyzy

Шығарушы: Bible for Children
www.M1914.org

©2023 Bible for Children, Inc.
Лицензия: сатуға тиым салынған, көшірме жасауға
немесе басып шығаруға рұқсат етілген.

Жас Дәуіт қашып жүрді. Саул патша оны өлтіргісі келген. Дәуіт иен далада орасан зор үңгірде төрт жүз адамымен бірге тұрып жатты.



Кейде Саул патшаның жасақшылары оны тауып алуға шақ қалатын. Бірақ Дәуіт орын ауыстырып жүре берді.




3

Саулдың қызметшісі, Доик, патшаға діни қызметкерлер Дәуітке қашуға көмектескенін жеткізді. Саул оларды өлтіруге бұйырды. Бірақ мұны тек Доик қана іске асыруға дайын болды! Ол өзінің семсерімен сексен бес діни қызметкер мен олардың отбасыларын шауып өлтірді. Бұл–барып тұрған арсыздық еді.




4

Бірде Саул Дәуітті қудалап жүріп, Дәуіт пен оның адамдары жасырынған үңгірге кірді. Саул жалғыз өзі болатын!




5

Үңгірде Дәуіт Саулды оңай өлтіре алар еді. Оның орнына ол оған жақындап келіп, Саулдың киімінің шетін өткір қанжарымен кесіп қана алды.



6

Саул Дәуітті өлтірмек болғанына өкінетінін айтты. Алайдаоның бұрынғы қаһары қайтып оралып, ол Дәуітті өлтіру үшін үш мың адамнан тұратын әскерін жинап алды. Бір күні түнде жасақшылар ұйықтап жатқанда, Дәуіт пен оның сарбаздарының бірі Әбішай, Саул ұйықтап жатқан патшалық қосқа лып етіп өтіп кетті.




7

«Бүгін Құдай жауыңызды қолыңызға түсіріп отыр, – деп сыбырлады Әбішай. – Оны сүңгімен жерге қадап тастауға рұқсат етіңіз. Мен бір ұрсам болды, екінші рет ұрып жатпаймын!»




8



Дәуіт бас тартты. Саулдың сүңгісі мен құмырасын алып, қосты тастап кетті. Қарсы беттегі жотадан Дәуіт Саул өзін естігенше айғайлады. Саул тағы да Дәуіттің өзін өлтіруі мүмкін болса да, оның олай етпегенін көрді. Саул тағы да Дәуітке жанына батырғысы кеп жүрген әрекетіне өкінетінін айтты. Бірақ Дәуіт өзінің Саулдың сөзіне сене алмайтынын білетін.

9



Бұл уақытта Самуил қайтыс болып кеткен. Ол өзіне Құдай Израилдің патшалығына алдымен Саулды, сонан соң Дәуітті майлауға бұйырған пайғамбар болатын. Філістірлер Израилге тап берген кезде, Саул Құдай тыйым салған бір қорқынышты нәрсені іске асырды.

10

Ол әйелге Самуилді өлілердің мекенінен шақырып алуды бұйырды. Сол түні Саул хабар алды.



11

«...Жаратқан Ие сенен бас тартып, сенің жауыңа айналды. ...Жаратқан Ие сенің патшалығыңды сенің қолыңнан жұлып алып, сенің жақыныңа, дәлірек айтқанда Дәуітке берді. Ертең сен және сенің ұлдарың менімен бірге боласыздар. Жаратқан Ие сонымен қатар Израил әскерін де філістірлердің қолына береді». Осыны естіген кезде, Саул қатты қорқып кетіп есінен танып қалды.




12

Філістірлер Израилге қарсы соғысты, ал израилдіктер қашып кетті. Філістірлер Саулдың ұлдарын өлтірді, оның ішінде Дәуіттің жақындосы Жонатан да бар.




13

Саул садақшының оғынан ауыр жараланған еді. Содан ол өзінің нөкеріне: «Семсерінді суырып, маған сұғып ал, мына зұлым адамдар келіп, маған семсерлерін қадап маскара қылмасын!» –деп бұйырды. Бірақ нөкері қатты қорқып, бұны істеуден бас тартты. Сонда Саул семсерін алып, үстіне құлап түсті.



14



Саул мен оның ұлдарының мәйіттерін тауып алған фiлiстiрлер оларды өздерi жаулап алған Исраилдiң қаласының қабырғасына iлiп қойды. Бiрнеше батыл израилдiктер мәйiттердi түсiрiп алып, қалдықтарын Исраилде жерлемес бұрын үйлерiне апарып өртеп жiбердi.

15



Дәуiт бұл сұмдық хабарды естiгенде, қайғырып, жылап, кешке дейiн Саул үшiн, оның ұлы Жонатан үшiн және Жаратқан Иенiң халқы үшiн ораза тұтты, өйткенi олар семсерден қаза тапты.

16



Саул Дәуiттi өлтiруге тырысқанына карамастан, Дәуiт Саулды Құдайдың майлаған патшасы ретiнде ақырына дейiн құрметтедi. Ендi Құдай Саулдың орнына патша етiп Дәуiттi құрметтедi.

17

Дәуiт – патша (1-Бөлiм)

Құдайдың Сөзi –

Киелi кiтаптан алынған әңгiме

1 Патшалық 24-31, 2 Патшалық 1-2

"Мәнiсi ашылғанда сөздерiң нұрын шашады."
Забур 119:130

18



Соңы

20

60 19

Киелi Кiтаптағы бұл әңгiме бiздi жаратқан әрi Оны бiлгенiмiздi қалайтын тамаша Құдайымыз жайында баяндайды.

Құдай бiздiң жаман iстер iстегенiмiздi бiледi. Ол мұны күнә деп атайды. Күнәнiң жазасы - өлiм.

Құдай бiздi сондай қатты сүйгендiктен, Өзiнiң жалғыз Ұлын, Исаны айқыш ағашта өлiп, бiздiң құнымызды өтеу үшiн жiбердi. Иса қайта тiрiлiп, көкке көтерiлiп кеттi. Ендi Құдай бiздiң күнәларымызды кешiре алады.

Егер сен күнәларыңнан арылғың келсе, Құдайға былай де: Көктегi Құдай, Исаның мен үшiн өлiп, қайта тiрiлгенiне сенемiн. Мен ендi жаңа өмiрге ие болып, кейiн Сенiмен мәңгi бiрге болуым үшiн менiң өмiрiме келе гөр, менiң күнәларымды кешiре гөр. Сенiң балаң болып, Сен үшiн өмiр сүруiме көмектесе гөр. Аумин. Жохан 3:16

Киелi Кiтапты күнделiктi оқып, Құдаймен тiлдес.

20